

Monday, March 24, 2025

Time - 2:30pm - 2:35pm

REGIONAL NEWS BULLETIN

(MIDDAY)

SERCHHIP TB

Ngawr Natna Umbo tura hmalakna chi khat atan vawiin khan Serchhip DC Pisapui Hallah Agriculture Minister Pu PC Vanlalruata hovin hun hman a ni a,

He huna tarlan anih danin Serchhip Dist ah TB vei enkawl lai 41 leh Mizoram pumah 437 an awm a, ram puma vei mek awm zat chu mi nuai 3 & 54071 an ni a. Ni 100 chhûng TB beihna pual hmalaknaah- Serchhip Dist chu hriselna pual kawng zawh Walkathon ah, kawng zawhtu tamna ber leh kal thui ber a ni a. TB natna test tur target khuma test tam, Dist khaw tinah lâk a ni.

Pu PC Vanlalruata chuan, TB vei ei tur tha pêkna (Nksay Mitra) atan mi pakhata ₹ 700 chu hmun dangah lo tiam tawh mah se, Serchhip Dist tan bika pe tûrin a intiam thar leh tih a sawi a, mimal leh pâwl ho pawh tan laa intiama hma la ve tûrin a sawm a ni.

He hunah hian Nikshay Mitra Donors programme hnuaia TB natna vei mekte sponsor tute hnenah Serchhip CMO , Dr LP Malsawma'n thilpek a hlan a. TB laka damna lo chang tawh Pu Lalramnghaka Kawlni Serchhip thusawi tawi ngaihthlak a nih bakah Serchhip District chhung veng leh khaw hrang hrang a TB vei awmlohna (Free TB Village) khaw 9 te hnenah thuziak tar tur pek a ni a,heng khaw 9 zinga pakhat Hmuntha chuan an vawi hnih dawnna a ni.

TB and HIV / AIDS coordinator Pu H.Lalţanpuia sawi danin TB vei te thlatin ₹ 500 pêk thin chu ₹ 1000 a tihpun tura tih a ni bawk.

He hunah hian Sorkar Deptt hotu, zirlai te, NGO leh VC aiawh te bakah chanchinbumi te telin, Pu Sailoliana Sailo, TB treatment Officer Serchhip Dist in lawmthu sawiin, TB day hmanna leh ni 100 chhûng hmalak kharna inkhawm hi a tin a ni.



LAWNGTLAI

Lawngtlai West bialtu MLA Pu C.Ngunlianchunga chuan Assembly Budget Session zawh takah Chief Minister in bail lailaw-Anticipatory bail latura a tih chu a lakdawn loh thu leh thubuai a neih a la hriatloh thu a sawi.

Pu C.Ngunlianchunga hian vawiin khan Lawngtlai thlengin, Lai District Congress Committee buatsaihin Areopagy a Vantlang inkhawmah thusawiin Lawngtlai khawpui helna tur kawngpui sial a nih theih nana hmalakna bultanna chu Lai Autonomous District Council a Chief Executive Member a nihlai a ni tih sawiin, Lawngtlai West bial ah MLA atan thlantlin a nih vangin Lawngtlai By Pass Road hi a khawihzuiloh thu a sawi a. Minister a nih hnuaah a ram neitute chu an ram a tihchhiatturah zangnadawmna pektheih a nihloh vanga tlawmngaih chhuahtura ngenna ah erawh theihtawp a chhuah thu a sawi.

Assembly Session ah Chief Minister in Thubuai a neih thu a sawi chu Thubuai nei ni a amah an sawina a vawikhat hriatna a nih thu leh vawiin thlengin ACB atangin emaw hmundang atangin emaw thubuai a neihthu a la hriatloh thusawiin, a chungah engpawh thlengse Anticipatory Bail lak a tumloh thu leh LungIn tan ngai a nih pawn dikna humhimmturin a beihtur thu a sawi.



AIR NEWS ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni.

Zanin dar 6 leh a chanve-ah Chanchinthar hi puan leh a ni ang.



WORLD WATER DAY

Public Health Engineering Minister Prof. Lalnilawma'n mihring siamchhuah harsatna avangin tuihna lamah harsatna tawh mek a ni a ti.

PHE Dept. leh Central YMA tangkawpin an buatsaih, World Water Day chu vawiin khan Aizawl Vanapa Hall-ah hman a ni a, PHE Minister Prof. Lalnilawma chuan, ram tihchereu avanga leimin leh leivung paih te chu luiah a inchhekkhawl a, chu chuan tui ti sangin, tlawng a tui pump a nghawng a, chu chu mihringte harsatna siam chhuah chawpin a thlen tih a sawi a, Tlawng chauh chu innghahna ngam a ni tawh lo tih sawin, Tawi tlangah Hualtu dil lam te an hawi tawh tih a sawi a ni.

Minister chuan tun dinhmunah Mizoram hmun hrang hrangah tuihna humhalhna lamah nasa taka hmalak a ni a, PHE hnuaia Village WATSAN Committee te puihnain thingtlang khaw tinah hmalakna kalpui thin a ni ti a, mahni khaw tui lakna hnar ramngaw humhalha, khawih chet phalloh tura khawtlang tana mimal ram pek pawh chhinchhiah danin Mizopa chhiara tin 65 leh a chanve a awm a, rampum huap ngaihtuahin la beitham deuh mahsela, hetiang mi inphalte inpekna chu ropui a tih thu a sawi. Nikum kum 2024 chhung khan Mizorama ram hectare 3917 kang ralin, heng zinga hectare 94.5 chu ramngaw pangngai a ni a, hetiang a nih avang hian khaw tinah tuihna humhalhna atan bika ram humhalh zel tha a tih thu a sawi.

Prof.Lalnilawma chuan sik leh sa inthlak danglam nasa in a nghawng avangin thal chhoah tui indaih lohna a thleng chho tan nghal mai chuan ngaihtuahna a ti thui hle a ti a, tui pawimawhna, tuihna humhalh leh hetiang lam inzirtirna puala ni bik hman thin, World Water Day hman a ni chu lawmawm a tih thu sawiin, hetiang ni hman a, tui pawimawhna inhriat nawn tir kher ngai lo hian kan nitin nuna tui pawimawhzia hre thar a, a humhalhna lamah tan la deuh deuh turin kal khawmte a fuih a ni.

World Water Day hi kumtinin March ni 22 ah khawvel pumpuah urhsun taka hman thin a ni a, kumin hian remchan zawkna avangin Mizoramah chuan vawiin hian hman a ni a, Mizoram chhunga a lawmna pui ber Aizawl Vanapa Hall-ah chuan he ni puala intihsiakna hrang hrang, reels insiamsiak, hlahril (poetry) inphuahsiak leh online slogan competition lawmman nghal a ni bawk.



GOVERNOR

Larsap Gen (Retd) Vijay Kumar Singh chuan vawiin khan 5th Battalion, Rajput Regiment te'n an kum 200 dinchampha, Prachand Paanch hriatrengna

puala Postal Stamp leh special cover an siam chu Aravali Auditorium, New Delhi-a Bicentenary Special Sainik Sammelan neihah a tlangzarh.

He hunah hian thusawiin Governor chuan 5th Battalion, Rajput Regiment te'n kum 200 lai huaisen taka ram rawngbawl hna an thawk tling ta chu chhuanawm a ti a, Indian Army hnuaia Infantry Unit-in kum 200 lai ram tana hna an thawk thei chu thil thleng zen zen ngai lo a ni, a ti. 5th Battalion, Rajput Regiment-te chu an hmalam hunah tun aia hlawhtlinna leh chawimawina nasa zawk an hmuh ngei theih nan duhsakna a hlan a ni.

Larsap chuan 5th Battalion, Rajput Regiment-te chu an hmalakna reng rengah Indian Army kalphung leh nihna zia chhawmnung zel turin a fuih a. Postal Stamp neih theih nana Department of Posts leh Addl. Directorate General of Postal Services-te tawiawmna fakawm a tih thu pawh sawiin, postal stamp chu 5th Battalion, Rajput Regiment-te sulhnu ropui tak takte hriatrengna mai bakah, an huaisen zia khawvel hriata pholanna tur a nih thu a sawi bawk.

